



# SABHAL MÒR OSTAIG

Ionad Nàiseanta Cànan is Cultar na Gàidhlig

## AINM A' PHOILEASaidH

### POILEASaidH

ÙGH DAR AGUS ROINN		CÒ LEIS A THA AM POILEASaidH?	
Seona NicIlinnein Rianachd		Boyd Robasdan, Prionnsapal	
COMATAIDH A THUG AONTA		CEANN-LÀ AONTA	
Bòrd Stiùiridh na Colaiste		11 Am Màrt 2016	
CEANN-LÀ SGRÙDAIDH		AIREAMH PHOILEASaidH	AIREAMH DREACH
Am Màrt 2018			1.2
Cead a shealltainn air an làraich-lìn?		NO Cead airson luchd-obrach a-mhàin	
<input checked="" type="checkbox"/>		<input type="checkbox"/>	
Buaidh air poileasaidhean eile?		Ma tha, cuir liosta gu h-ìseal A h-uile poileasaidh aig a' Cholaiste Plana Gàidhlig na Colaiste	
<input checked="" type="checkbox"/>			
Cò bu chòir a bhith mothachail den poileasaidh seo?		Pàirt de inntrigeadh luchd-obrach?	
		<input checked="" type="checkbox"/>	
Luchd-obrach, oileanaich agus luchd- chleachdaidh		<input checked="" type="checkbox"/>	

# POILEASaidh CÀNAIN

## Ro-ràdh

'S e àite-obrach agus àite ionnsachaidh làn Gàidhlig a th' ann an Sabhal Mòr Ostaig agus tha gleidheadh agus brosnachadh na Gàidhlig aig cridhe gach gnothaich ceangailte ris a' Cholaiste.

Tha cleachdadh na Gàidhlig agus gleidheadh àrainneachd Ghàidhlig an urra ri gach neach aig SMO, agus bu chòir do dh'oileanaich agus luchd-obrach Gàidhlig a bhruidhinn a rèir an cuid chomasan cho tric is a ghabhas.

Bidh luchd-obrach na Colaiste a' cleachdadh na Gàidhlig air an àrainn agus nuair a bhios iad a' riochdachadh na Colaiste ann an àiteachan eile.

Bidh am poileasaidh seo a' bualadh air luchd-obrach air làrach na colaiste agus air astar, oileanaich agus buidhnean a bhios a' cleachdadh togalaichean na Colaiste air mhàl.

## Prionnsapalan

### Gleidheadh àrainneachd Ghàidhlig

Bidh còir aig gach neach aig a' Cholaiste a bhith ann an àrainneachd Ghàidhlig, agus tha dleastanasan aig gach neach Gàidhlig a chleachdadh agus a bhrosnachadh. Tha soirbheachadh agus cliù na Colaiste mar àite Gàidhlig an urra rinn uile.

### Farsaingeachd

Mar bhun-stèidh a' phoileasaidh, cha chleachd muinntir na Colaiste ach a' Ghàidhlig ri oileanach a tha air ìre a' Chùrsa Chomais no a' Chùrsa Adhartais a ruigsinn agus ri luchd-obrach.

### Feallsanachd

A thaobh feallsanachd is poileasaidh cànain na Colaiste, bidh dùil ri stiùireadh làidir bho Bhòrd Stiùiridh, Phrionnsapal, Stiùirichean agus Cheannardan Roinne na Colaiste.

Cuiridh a' Cholaiste cuideam air sgaoileadh feallsanachd poileasaidh cànain na Colaiste.

Thèid a' Cholaiste a' riochdachadh mar àite làn-Ghàidhlig do dhuine no do bhuidhinn sam bith a thig a chleachdadh goireasan na Colaiste.

Bidh a' Cholaiste a' cumail ris na riaghailtean ann an Gnàthachas Litreachaidh na Gàidhlig.

### Buidhnean aig a' Cholaiste

Bidh buidhnean a tha a' cleachdadh togalaichean na Colaiste a' gabhail ri poileasaidh cànain na Colaiste agus bidh gach buidheann a' cruthachadh poileasaidh cànain dhi fhèin (le taic bhon Oifigear Leasachaidh Chànain). Bidh na poileasaidhean aig na buidhnean a tha a' gluasad a dh'ionnsaigh prionnsapalan poileasaidh cànain na Colaiste. Mar phàirt de

phoileasaidh gach buidhne, bidh dùil gum bi dleastanas fa leth aig luchd-obrach gum bruidhinn iad a' Ghàidhlig, ma bhios i idir aca, air neo gun ionnsaich iad i, mura bi.

### **Teagasg**

Bidh an teagasg air cùrsaichean làn-thìde tro mheadhan na Gàidhlig a-mhàin agus bidh sin agus na goireasan teagaisg Gàidhlig nan deagh eisimpleir do na h-oileanach.

### **Fastadh & Trèanadh**

Bithear a' fastadh luchd-obrach a bhios comasach air obair tro mheadhan na Gàidhlig. Ma thèid neach fhadastadh a tha fhathast ag ionnsachadh, bithear an dùil gu bheil seasamh fàbharach aca dhan Ghàidhlig agus a h-ath-bheothachadh agus gun dèan iad gach oidhirp fàs fileanta anns a' Ghàidhlig.

Thèid adhartas sa Ghàidhlig a mheas gu cunbhalach san luachadh bhliadhnail.

Nì a' Cholaiste a h-uile oidhirp gus trèanadh a thabhann tro mheadhan na Gàidhlig.

Bidh sanasachadh sna pàipearan is eile sa Ghàidhlig a-mhàin, air neo dà-chànanach ma tha feum air.

### **Soidhnichean**

Cha bhi ach soidhnichean Gàidhlig gan cleachdadh air àrainn na Colaiste air neo dà-chànanach ma tha feum orra.

### **Leasachadh**

Thèid buaidh air a' chànain a ghabhail a-steach aig toiseach gnothaich nuair a thèid planaichean ùra a chur ri chèile airson na Colaiste agus thèid comhairle a shireadh bhon Oifigeir Leasachaidh Cànanain agus eòlaichean leasachadh cànanain mar a bhios iomchaidh.

### **Uallach**

Tha e an urra ris a h-uile neach aig a' Cholaiste am poileasaidh seo a chur an gnìomh agus daoine eile a bhrosnachadh seo a dhèanamh.

'S e dleastanas an Oifigeir Leasachaidh Cànanain a bhith a' toirt taic do mhuinntir na Colaiste, agus iad a' cur poileasaidh na Colaiste an gnìomh; a bhith measadh adhartas ann an coileanadh a' phoileasaidh; agus a bhith a' moladh leasachaidhean anns a' phoileasaidh dhan Phrionnsapal, mar as iomchaidh.

### **Ro-innleachd**

Tha am Plana Cànanain a' toirt stiùireadh air mar a thathar an dùil am poileasaidh seo a chur an gnìomh.

### **Ath-sgrùdadh**

Thèid am poileasaidh seo ath-sgrùdadh gach dà bhliadhna.